



Aqqalu C. Jerimiassen
Atassut

UKA 2021/122
12. oktober 2021

Uunga siunnersuut: Nunami inuussutissarsiutinut tunngatillugu inuussutissarsiormik siuarsaaneq pillugu Inatsisartut inatsisaata allanngortinneqarnera pillugu inatsit nr. x ulloq xx. 2021-imeersoq

(Erseqqissaaneq nipilersornermik inuussutissarsiutinut aamma filmiliornermi inuussutissarsiutinut tunngatillugu)

Saqqummiussinermut allakkiag (Nunanut Allanut, Inuussutissarsiormerut, Niuernermut Silallu Pissusaata Allanngortiorneranut Naalakkersuisoqarfik)

Tulluusimaarnangitsuunngilaq maanna takusinnaallugu UPA2020-imi aaliangiiffissatut siunnersuusiarisimasap timitaleraluttuarneqalenera.

Naak amerlanerussuteqartunit allannguutissatut siunnersuut ikkunneqarsimangaluartoq, suli angusaq annertuutut taaneqarsinnaavoq. Tassuunakkummi takuneqarsinnaaleramat, maanna Naalakkersuisut pimoorullugu suliaq aallutilersimagaat.

Inuiaqatigiinnimi nipilersortartortatta siuariartorsinnaalernissaannut matu ammarneqaraluttualerpoq, taamaalillutalu nunarsuup sinneranut unammillersinnaasumittaaq inuussutissarsiutingalugu nipilersortartuunermi pisortanit tunuliaqutsigaasumik ingerlasoqarsinnaaleraluttualissammat.

Avammut tunisassiornermi nipilersukkat nunatsinninngaanneersut arlalippassuit ajukkunnanngivissut inuiaqatigiittut tulluusimaarutigisinnaalluartaussaaleratsigit. Nipilersugarmi qaqaqumorsuaq pigineqarsinnaammat, nunattalu arlaatigut eqqaamaneqaataanut nalunnginneqaataanulluttaaq pilersitseqaatasinnaalluarluni.

Eqqarsartariutsit qanganitsilersimasut uniffiginagit maanna allorialernej inuiaqatigiinnut uisitsisuusaaq annertoq, nutaajunerusumillu nipilersornerup filmiliornerullu isiginnittaaseqarfigineqarneranuttaaq alloriarnerujussuussalluni imaannaanngitsoq nuannaarutissaq.

Ukiorpasuarini nipilersortartuuneq sunngiffimmi sammisassaannartut naqissuserniarneqartaqaaq, sulinerullu avataatigut suliassaannartut inissisimatinneqakkajuttarluni. Massakkulli uikkiartortoqalenera malunnarpoq, inuiaqatigiinnimi inuussutissarsiutigivillugu nipilersornerinnarmik aallutaqarnik maanna peqarmat. Inatsisillu maanna atuuttut piutillugit ikittuinnaaneri tupaallaatissaanani, uumalli inatsisissatut allannguutissap qularnangilaq nipilersornermik filmiliornermillu inuussutissarsiutigivillugu ingerlataqartuusut amerliartuaalersikkumaarai.



Taallioortormi/erinnioortormi ataasiaannarluni nipilersuusiorneq ajorpoq, taannaavorli nutaaliorsinnaanermut aqquataasoq qaqugumulluunniit imaaginnarneqarsinnaanngitsaq.

Nipilersornermi filmioortormi niuerfissuuvoq nunarsuaq tamakkerlugu isiginnaartoqarfiulluni: suliffeqarfissuaq milliardit tungaanut kaaviiartaqarfissuaq peqataaffigisariaqagarput. Uuminngalu maanna inatsimmi erseqqissaataalersumi qularnaarneqarluni naqissuserneqartussanngortussaq.

Ullumikkummi Kalaallit Nunatsinni ilisimasatsit pikkorissorsuarnik nipilersortartoqarpoq, piginnaasaqarluartunik nunanilu allani unammillerluarsinnaanissamik periarfissalinnik. Taamaakkaluartoq nipilersortartut periarfissaannik killilersuiuarsimavugut, aningaasaliiffigineqarnissaannik, ineriartornissaannik, kiisalu allatuulli namminersortut ingerlatsisinnaanissaannik, nipilersornerup silarsuaata kulturimut kisimi attuumassuteqartumik aaqqissuussinertut isiginerasigut killilersuilluta.

Tassami maanna Atassummi oqaaseqaatigisatsinni annertuumik nipilersortartuuneq nipilersugassiallu eqqartorpagut, taakuummatami aallaqqaataani siunnersuuteqaqqaarnitsi allannguutissatut siunnersuummik qaqitsisoqanngikkallarnerni qulequtaritissimasagut. Uanili maanna inatsisip ersarissarneqarnissaanut allannguutissami filmioortartut tapunneqarputtaaq, neriuutigeqaarpullu taamaalilluni filmioortartuttaaq annertuumik una inatsisissaq iluaqutigisinnaajumaaraat.

Filmioortormi silarsuaani takutitassianuttaaq angisuunut aningaasartaqarluartunut, aningaasalerneqarluarsimasunullu nunatta nunarsuup assigani ilaalersinneqarnissaa sapinngisarput tamaat tapersersortariaqarparput.

Taamatut oqaaseqarluta siunersuut Atassummiit akuersaangaarlugu naalakkersuisut saqqummiussaanut qutsavigaagut.